


清詩人徵略




內閣文庫			
函	冊	號	類
三	一	六	漢書
三	三	八	

內閣文庫			
函	冊	號	類
三	一	六	漢書
三	三	八	

十九卷

內閣文庫		
番號	漢	3875
冊數	16	(5)
函號	290	36





國朝詩人徵略卷十五

金德嘉

番禺張維屏子樹輯

字會公號豫齋湖北廣濟人康熙二十一年會試

第一官翰林院檢討有居業齋集

德嘉晚年鍵戶著書時同郡顧景星張仁熙劉醇

驥往往追摹秦漢宗尙王李訾歸有光爲秀善婉

媚德嘉獨不爲高論力摹韓歐雖閱肆博贍遜於

國初前輩而先民矩矱彷彿猶存 四庫提要

先生至歲而孤事母孝既入翰林凡遇編纂殫思

萃力若明史列傳表揚殉節諸臣一統志分撰楚
省諸郡鱗次就稿丁卯典貴州鄉試得士多名俊
先生品行端慤當名場馳驟之會泊焉自守以故
齟齬不得志一旦致仕以歸同朝無不嘆惜之先
生斗室中圖書充塞兀坐編摩以復濱公手輯自
警編與宋名臣言行錄相倣晚年更續纂元明諸
賢以廣之足跡不入城府幾二十年于主敬存誠
之學始終堅定屹爲儒林完人年七十有八而終

南昉
文稿

會公先生品端學粹讀書稽古老而益勤家居

坪爲古鴻臚洲地道光甲申余承乏廣濟暇日造
先生故廬晤哲孫明經曾孫茂材皆彬彬儒雅世
其家學明經出示先生居業齋詩文集余受而讀
之益歎先生之學粹然一出於正且胸懷高曠澹
於世味而樂於道味爲不可及也先生作朱陸異
同考謂集羣聖之大成者孔子集羣賢之大成者
朱子又謂姚江之徒龍谿緒山假尊師煽羽翼土
苴傳註糟粕前賢末流乃有何心隱李卓吾滌蕩
潰決此豈姚江逆料所及哉又謂天下非無材之
患有材而不遜志於學則大患所論皆守正而持

平而先生生平之宗旨亦於此可見矣

松心日錄

好爭由於好勝好勝由於好名其病雖君子或不免善夫金會公之言曰古人之學爲已而已非斷以勝人也一有勝人之意則必言與言相角夫天下後世卒不可勝則其勝人也亦暫矣是故學莫大於爲己已誠學則不暇與人角同上諛墓古有之而今尤甚或以交情或以金幣因而諛其死者並及其生者且不難舉衆善而歸於一身徒爲有識者所笑耳金會公詩云縑包帛裹致鴻文萬善都歸顯者隧委巷潤色多錢翁其生也

推波而資眉山妙喻示王郎膏面飽腹須臾事君子於言無所苟俾死如生生不愧蓋爲人誌墓核其實當其人無泛無浮有體有要卽諛墓之金曷嘗不可與劉義共醉哉聽松廬詩話

標題 弔大名道朱忠烈公

五古

讀丹朱集有作

七古

黃鵠磯歌

七古

麟鳳篇

七古

詛鼠

五古

詰蚊

五古

萍草歌

七古

摘句 天下豈乏才有才視所用

千古下士人終收士之力

人情憐召樹風俗比桐鄉

先大夫人名宦祠

學從艱苦入慧自寂寥生

安貧勞自慣干祿學原疎

地許收黃獨天容放白鷗

山城一路黃梅雨古寺雙峰碧玉流

地產真人如白水天開帝里紹新豐

樓桑村

侍從兩朝多諫草世家三楚一衡門

酒邊歲月陶元亮詩裏乾坤杜少陵

途窮阮藉狂呼飲天放虞卿老著書

世澤儒林行有傳家貧貨殖本無書

網羅後史讐前史零碎旁書補正書

蘆中萬感此身集海內一人知己難

懷古每令愁似海積書何補債如山

人惟學道甘貧賤友到知心苦別離

荒江老我將殘臘濁酒留人過小寒

生涯水碓充臧獲風俗山鄰互犬貓

彭寧求

字文洽號瞻庭江南長洲人康熙二十一年

賜進士第三人官翰林院侍讀

瞻庭公嘗曰吾儕職所當盡雖灑掃負戴亦宜為

之况乃文章之事唯有俯首盡力而已

二林居集

摘句 始進苟不正晚節何由保所以達人心立
身忌草草受恩惟恐多人任亦戒早

許汝霖

字時庵浙江海寧人康熙二十一年進士官至禮
部尚書有德星堂集

平生手跡一字不遺未免不能割愛耳

四庫提要

汝霖督學江左考試事竣置酒君山大會諸生布

席分題或詩或賦各展所長至今傳爲盛事

浙江通志

摘句 客久誰無歸里夢官高偏忘倚門憂

一鳴終落憑城膽三黜寧忘報國人

史夔

字胄司江南溧陽人康熙二十一年進士官詹事

宮詹扈從

北巡著扈蹕集典試兩浙著章臺集分理河工著觀濤集

祭告南海著扶胥集

潤故

蔡翁精于平之學史胄司訪之蔡告以生一孫推

其命若遲一時則大貴史叩其日時大驚曰予今

歲得子正其日月時也蔡曰此兒必入閣卽今文

靖公也康熙辛酉胄司携眷入都泊舟水驛生子

聞鐵工家亦生子問其時正相同心識之後文靖

己官清禁曹司南歸復經其地訪之則門宇如故
一少年持斤斧操作甚勤問之則辛酉某日生者
也公思之竟日既乃悟曰此四柱中惟火大盛惜
少水制幸生舟中得水氣補其缺若生于鎔冶之
地則以火濟火全無調劑矣茶餘客話
星命之說始於李虛中然虛中推命止用年月日
不用時至徐子平始以年月日時推吉凶禍福前
人謂有驗有不驗如蔡翁之言驗於文靖不驗於
鐵工之子余謂不驗者其常然也驗者其偶然也
夫天下事偶然者多矣卽以人身言之偶然而變

生偶然而駢脅偶然而枝指謂無變生無駢脅無
枝指不得也然偶然也非常然也有常然亦有偶
然者天地之大也而人或因其偶然者而泥以求
之則惑矣松軒隨筆

標題

合澗橋步月

五古

飛來峰

五古

摘句

淵明居柴桑日與廬山對云何詩百篇未

嘗道隻字乃知作詩者適然與與會

高才不肯居人下畏路休教占福先

繁華欲盡紅羊換歌舞方酣白雁來

鳳凰山

馮廷櫬

字大木山東德州人康熙二十一年進士官中書
舍人有馮舍人遺詩

丁卯典試湖廣作詩一卷名曰晴川集 四庫提要

舍人性孤介不入大僚之門官閒無事惟枕藉書

卷所為詩清警絕俗詠古尤佳 國朝詩別裁

舍人生平深相契者惟趙秋谷官贊朝官或得請

葛銅鼓兩人各賦長歌諸名士皆閣筆漁洋欲哀

兩人唱酬之篇為二妙集 國朝名家小傳

聞舍人一夕中煤毒卒蓋生煤易為害也 松軒隨筆

標題 黃鵠磯 七古 生日放言 七古

王摘句 雅識汾陽賢肯奉永王教 李白

近山得早陰臨水多少露

老悟舊學非內訟無由贖

士忌才名大官憐骨相寒

馬調添睡味山過減詩情

范叔漫言天下士杜陵空望眼中人

縱有微高如諫果終難久繫似匏瓜

對奕明知先著好置薪原是後來強

折腰未敢攀陶令攘臂何須笑晉人

周金然

字廣居號廣庵江南上海人康熙二十一年進士

官洗馬有廣菴全集

金然與施閔章宋琬遊其才思格力亦介於二人

之間 四庫提要

中允工書法告歸時以平日所書進呈

聖祖製五言十二韻褒之 江蘇詩事

摘句 東方仕代農柴桑農代仕

大鈞布羣物脩短一胚胎至人獨不朽不

朽非形骸

王九齡

字子武江南華亭人康熙二十一年進士官監察

御史有艾納山房集

廣心之仲子也其詩欲挹何李之流波而才思富

艷加以纖穠 四庫提要

摘句 無聲慚仗馬有淚對刑書

十里青樓原上草六朝紅粉路旁花

世間何物催人老半是鷄聲半馬蹄

尤珍

字謹庸號滄湄江南長州人康熙二十一年進士

官右春坊右贊善有滄湄詩鈔

先生為西堂長子西堂先生以宏詞徵先生隨至京壬戌成進士入翰林父子同朝班聯隨侍時人

榮之方晉贊善而先生以養親請急歸矣歸愚文鈔

先生所作滄湄劄記道作詩甘苦極詳國朝詩別裁

標題 題磨崖碑古七

摘句 誦讀思尚友風期遙可親毋為守章句兀

兀徒苦辛

宗唐祧宋吾何敢前有東坡後放翁

字鱗潭江南歙縣人康熙二十一年進士官國子

祭酒有北黟山人詩

司成性仁孝讀陽城責諸生歸養語曰吾人師也

身教之謂何即日陳情歸國朝詩別裁

進士題名碑舊於國子監鱗潭先生為祭酒稽考

舊碑明永樂至崇正凡七十八科碑僅存三之一

本朝制科始於丙戌碑亦列焉厥後十七科未之繼

也吳祭酒謀於朝伐石鳩工豎之又令吏掘地徧

索獨永樂碑不見一日墻傾吏譁曰永樂碑得矣

於是前後井井用全一代之制知新錄

國子生教習八旗子弟例與助教並坐後有欲抑

之旁坐者鱗潭曰助教爵尊於教習顧教習所教者八旗子弟師也若等其父兄也豈有父兄為子弟延師而屈之旁坐乎聞者帖服居業齋文稿

摘句 八門拜慈親白髮顏微瘦薄宦十餘年權

愛類穉幼嬌兒髮垂額及歸盡婚媾闔門

孫暗窺茲客曾未覲到家

陳學洙

字左原江南長洲人康熙二十三年舉人

左原先生與弟右原為孿生兄弟形體性情學問

志節無不相同詩品雅潔並追唐人國朝詩別裁

戊辰會試主司徐東海先期羅致名士有友約左

原往謁日中不申命也卒不往荻汀錄

摘句 憶汝周歲時呱呱而索乳汝母躬撫育一

夜常數起抱至大母前呼名輒唯唯姑婦

相視笑吾宗有孫子安得若長成讀書取

青紫斯言宛昨日逝者已如彼傷哉泉下

人不及親見此閩省試錄見璋兒名喜作

關鎮居庸當北面河流滄海抱中原

寒暄世態吾偏拙貧賤交情爾最真

李國宋

字湯孫號大村江南興化人康熙二十三年舉人有螺隱居集

論者謂自陸放翁後詩之多而工無以踰之揚州府志

摘句 閱身日向江湖老人事空悲水旱餘
虎踞幾年瞻正氣龍驤他日駐新軍望國山

汪灝

字文漪號天泉山東臨清人康熙二十四年進士官至河南巡撫有倚雲閣集

同時別有汪灝字紫滄休寧人官編修四庫提要
灝以待讀督山西學政清節著聞山東通志

摘句 水消漢武欲風地周文避雨陵

真得意時惟嘯詠不如人處是功名送謝山房

施何牧

字贊虞江南崇明人康熙二十四年進士官吏部

員外郎有一山詩鈔

崇邑苦蘆課大吏用何牧言除十之八九里人德之著日課藏稿又明詩去浮韻雅史輦等書鄂文

端為方伯時造廬執後學禮崇明志

摘句 不為陳師來紫塞何緣轉粟上青天

金城舊日屯充國瀚海今朝斬郅支

仇兆鼇

字滄柱浙江鄞縣人康熙二十四年進士官至吏部侍郎

杜詩詳註仇兆鼇撰援據繁富無千家諸註偽撰故實之陋習核其大局可資考證者為多

四庫提要

摘句 壁立高崖盡溪迴一線開

梁佩蘭

字芝五號藥亭廣東南海人康熙二十七年進士官翰林院庶吉士有六瑩堂集

藥亭童時日記數千言通五經百家之學順治丁

酉鄉試舉第一時年二十六詩名已播海內戊辰成進士改庶常次年假還清潔自好流覽名山與諸名宿唱酬主持風雅新城王士正秀水朱彝尊吳江潘耒皆推重之著六瑩堂詩集文集

廣東通志

藥亭養馬行以贊頌之筆寫風刺之旨此種詩前無所承後無所繼應是獨開生面之作

國朝詩別裁

元孝藥亭兩家古詩音節神理皆從古樂府得來元孝沉鬱藥亭伉爽又各因其性所近也

聽松廬詩話

梁藥亭句云信是帝王州壯麗秦皇墳對漢皇墳是悲壯語張船山句云美人名士英雄墓一概纍

國朝詩人傳卷十五
三
鼎古道旁是曠達語同是陝西詩上同

標題 養馬行古七 寄懷翁山古五 日本刀歌古七

採茶歌古七 易水行古七 贈閔東臯古七

送李武曾古七 羅浮子日亭歌古七

摘句 客路初臨水鄉心已到家

地形山勢截天塹海門關京口

星光連馬眼冰氣上人鬚

數行司馬法百戰水犀軍

適用何妨小全鋒卽是才紙刀

身常善病憐春老心爲憂時識夜長

爲友過于兄弟誼望余兼有父師心

草木尙遲風雨後江山曾閱霸王來

陰洞毒雲龍蛻骨遠山生草麝行香

山河鐵壁無人到庸蜀金牛有路通

榜人月黑連檣語半是吳音半楚音

湯右曾

字西厓浙江仁和人康熙二十七年進士官吏部

侍郎有清懷集

聖祖仁皇帝問掌院學士揆敘聞湯右曾工詩令以其集

進呈揆敘遂以右曾所作文光果詩上達

睿覽蒙

國朝詩人傳卷十五

御製賜和今刻冠斯集之首實千古儒者之至榮論者稱
浙中詩派前推竹垞後推西厓兩家之閒莫有能
越之者今觀二家之集朱葵尊學問有餘而才力
又足以運掉故能鎔鑄變化惟意所如右曾才足
肩隨而根柢深厚則未免稍遜齊驅竝駕似未易
言然亦近人之卓然挺出者也 四庫提要

右曾官給事疏論瓊州採花梨沈香滋擾又疏論
夫錢改鑄小錢不必銷毀宜減價流通 杭州府志
標題 澄海樓 七古 登雲麓峰望南嶽歌 七古 醫

巫閭山 五古 莽式歌 七古

摘句 窗中洞庭野木末瀟湘路

地接長城險天浮渤海寬 山海關

一磴自穿雲氣入萬峰爭送雨聲來

接天波浪三江口橫地風雲百戰場 荊州

唐孫華

字實君號東江江南太倉人康熙二十七年進士
官吏部主事有東江詩鈔

吳梅村連舉十三女而公子暎始生時唐東江已
為名諸生湯餅會客儼然居上坐焉迨康熙戊辰

國朝詩人傳卷十五

古

曠舉禮部而唐與之同榜事亦奇矣柳南隨筆

唐東江既成進士需次選朝邑

天子熟聞先生名

召試乾清宮稱

旨不令之任用主事銜行走翰林中白澗文集

先生生平不服藥亦無疾苦年逾九十乃終又聞

先生六十後與少女同臥起更番數輩及長則遣

去皆宛然處子也國朝名家小傳

標題 閒居寫懷五古 滕王閣七古 鷹坊歌七古

摘句 作史與論史宜以經為斷

孔光詆王嘉馬融排李固一朝勢利奪顛

倒迷好惡沈歸愚曰時有名人而讓湯文正者作者借古以況今耶

文到無情真悔作口除飲酒只宜緘

直待臨危思翦牧可應先事戮韓彭石頭

袁粲真堪惜自壞邊關萬里城沈歸愚曰誅袁崇煥

此我朝用間而前明為間所愚也事後追悔何益哉

田從典

字克五山西陽城人康熙二十七年進士官至大

學士諡文端

是集據儲大文序謂多散佚非全本也四庫提要

七德九功舞歌亦見翁司寇集中豈翁為大司成

時田為太學生代師擬稿耶國朝詩別裁

摘句 一年轉戰雍梁間二年克敵威荆蠻三年

掃清甌與越一鼓遂進仙霞關四年官軍

收聞地逆臣稽首歸藩位五年賊渠死岳

陽六年百粵置胥吏七年一舉入成都夾

擊東西疾渡瀘八年蕩掃昆明穴普天率

地歸 皇圖擬七德九功舞歌

趙俞

字文饒號蒙泉江南嘉定人康熙二十七年進士

官知縣有紺碧亭集

詩格適上但才鋒太銳少一唱三嘆之致四庫提要

蒙泉登進士第需次家居一時黨論大興獨以身

赴師友之難忌者擠之死地亡命北走久之事得

白除定陶令國朝名家小傳

摘句 孟子今復起亦不講井地未聞書契作仍

可結繩治

尙有君親重休為兒女悲

露白浩無際蟲吟併一聲

暫屈鄴侯參幕佐忽宣唐介拜原官

陶元淳

字子師江南常熟人康熙二十七年進士官知縣有南崖集

昌化有浮糧力請蠲除不能乃勾稽本末作浮糧考奸民隱占飛洒愚民重困乃行清丈法作魚鱗冊剷除公私陋弊作會計經費錄又時行村隴問民疾苦以勞卒

本朝循吏殆陸玉屏馮葵陽之亞也

荻汀錄

摘句 况復勞心陽子拙敢云流涕賈生才

史申義

字叔時號蕉飲江南江都人康熙二十七年進士官給事中有蕪城使滇過江諸集

聖祖仁皇帝嘗以後進詩人詢澤州陳廷敬廷敬以申義

及周起渭對

四庫提要

蕉飲少日與顧書宣齊名稱維揚二妙新城王司寇嘗語客曰西厓蕉飲皆吾傳衣鉢之人也又稱

王門二弟子

國朝名家小傳

摘句 學者如牛毛成者如麟角塵尾王謝物汝輩不須捉

四時山葉綠五夜海霞紅

南海

天連巴蜀方爭險地接襄樊好用兵荆州
傷心白鶴峯前路一樹榕陰蓋古墳朝雲墓

吳暲

字元明江南太倉人康熙二十七年進士官給事
中有西齋集

西齋爲梅村令嗣工於詩

國朝詩別裁

給諫以案牽連落職旋充書畫譜纂修官

江蘇詩事

摘句

獨先元禮彈常侍共幸林宗免黨人

白髮乞湖狂道士青山思穎老尙書

記得雲間歌第一貞元朝士已無人

孫致彌

字愷似號松坪江南嘉定人康熙二十七年進士

官侍讀學士有秋左堂集

致彌詩以跌宕流逸爲長而率易亦不免

四庫提要

松坪爲明登萊巡撫火東公之孫幼丁家難稍長
發憤讀書火東公之建牙海上也幕下偏裨多奇
士後皆以勲爵顯有以松坪姓名上聞者

召試稱

旨遂以布衣賜二品服充朝鮮採詩使士論榮之旣成進
士官庶常會邑民起折漕之難禍幾不測大臣有

為之地者乃得釋復官學士半生坎壈而襟懷灑落以有韻之言名當世常熟馮定遠題其集曰蠶吐五采雙雙玉童樹覆寶蓋清談梵宮蓋倣黃絹

幼婦之意謂絕好宋詩也國朝名家小傳

摘句 江湖晴湧月山火夜燒雲

波光能奪月灘勢欲駒山

駃騠七日堪千里大鳥三年始一飛

千盤石棧龍蛇屈百戰重關虎豹空

張尙瑗

字宏遠號損持江南吳江人康熙二十七年進士

官翰林院庶吉士改知縣

三傳折諸張尙瑗撰是書用力於左傳尤多如卷

首所列郊禘五嶽考地名同考名諡同考名姓世

表諸篇皆引據典核可資考證四庫提要

標題 觀音巖五古 彈子磯五古 仙霞關七古

摘句 身非鄴侯骨暫作壁間步強半蛇螻曳有

時猱攫驚九鯉湖

查昇

字仲章號聲山浙江海鹽人康熙二十七年進士

官少詹事有澹遠堂集

宮詹書法得董文敏之神入直

南書房

聖祖屢稱賞之

國朝詩別裁

查少詹飲陳樸菴席上賦牡丹云置身富貴何須

早到眼雲霞覺倍明時推擅場

炙硯瑣談

摘句 林影溪邊屋鐘聲雲外山

陳大章

字雨山湖北黃岡人康熙二十七年進士官翰林

院庶吉士有玉照亭詩鈔

詩傳名物集覽陳大章撰其於毛詩用功頗深所

作集覽本百卷凡三易彙而後成此

四庫提要

陳省齋有六子次子大章康熙戊辰進士第四子

大羣五子大華庚午同捷楚榜大華又解元也是

科長子大年亦中順天副榜第一省齋即于是冬

擢僉憲幼子大輦又中壬午鄉試

居易錄

標題

王文成紀功碑

七古

摘句 五更風雨窮交淚驛路鶯花故國心

陸寅

字冠周浙江錢塘人康熙二十七年進士有玉照

堂集

冠周高士麗京之子麗京出亡不歸冠周訪父幾

遍宇內終不得幽憂畢生國朝詩別裁

標題 宣德箭歌七古

摘句 白日從愁盡青山入夢非

鄭 梁

字禹梅號寒村浙江慈谿人康熙二十七年進士官高州知府有寒村集

梁受學於黃宗羲嘗謂陳師道年三十一見黃魯直盡焚其橐而學焉梁見宗羲時亦三十一故詩文皆以見黃橐為冠四庫提要

鄭太守梁以曉行詩得名朱竹垞檢討嘗贈以詩

元孫簡香勲以墨迹示余余和之有云別擬建堂

尊二老竹垞經義曉行詩簡香因建堂祀兩先生

余為二老堂額定香亭筆談

寒村能左手作畫竹垞贈詩所謂左手雲煙勝畫

師也寒村有句云秋涼籠響哥哥子北方有蟲名

哥哥蔣心餘有詞兩闕極工聽松廬詩話

摘句 淺水無橋牽馬渡曉星如月照人行

貧劇且須忘此後老來不敢憶從前

沈名孫

字礪房浙江錢塘人康熙二十九年舉人有梵夾集

礪房有蛾術堂文集十卷筆錄十卷史巒八卷冰

脂集四卷

兩浙翰軒錄

摘句 一林紅變楓香樹數畝白開蕎麥花

國朝詩人徵略卷十五

番禺張維屏子樹輯

國朝詩人徵略卷十六

陳鵬年

字北溟號滄洲湖南湘潭人康熙三十年進士官

至河道總督諡恪勤有陳恪勤集

公長七尺美鬚髯性彊直成進士居五年授衢州

西安知縣初入官誓以清白白厲西安當耿賊亂

後民多流亡豪彊占田率數十百頃公履畝案驗

有主者悉還之三十九年河道總督張鵬翮請以

公試河工逾年題補天津同知引

見改授山陽知縣既抵官革耗羨汰胥吏逮淮關蠹役重
懲之擢知海州旋擢知江寧府松江捕盜率誨盜
誣富人爲黨掠其家逼婦女自經死旣成讞遇赦
冀得脫公會訊白大吏曰誣良民盜卽盜也况又
劫殺無赦理置五人于法會有大役總督阿山召
諸屬官議增地丁耗羨公力爭且曰官可罷賦不
可增也議遂寢自是大吏滋不悅公四十四年
聖祖南巡公辦行宮或求索不應竊置蚯蚓糞于簟席間
聖祖召公詰問先是致仕大學士張文端進見
聖祖問江南廉吏文端以公對及是復問公爲人文端言

鵬年吏畏其威而不怨民懷其德而不玩士式其
教而不欺廉其末也

聖祖遂釋然

駕臨金山觀水師先期一夕大吏檄公壘石爲步者三欲
以困公公率諸子弟親運土石士民從者屬路爭
徹屋材濟工鼓四下工竣

聖祖臨視益奇之其年六月以江南河腫事被議落職羈
江寧武廟江寧人痛哭罷市大吏必欲殺公旣据
據無所得則以公嘗逐羣娼建亭其上月朔宣讀
聖諭爲大不敬獄成論歿

聖祖一日問大學士李文貞阿山在官何若文貞言廉幹
果于任事其失民心獨劾陳鵬年一事耳

聖祖頷之獄上

詔從寬免歿四十七年以兩江總督邵穆布請

命出知蘇州府蘇大饑且疫公于是議賑貸勸捐輸濬城

河修學宮勗義塾懲博塞禁婦女毋游觀公決斷

神速初至滯獄三百餘案不一月判結都盡四十

八年張清恪巡撫江寧倚重公大小事多與公裁

沒總督噶禮既與巡撫有隙忌公密奏公所作虎

邱詩謂為怨望再罷職獄成復擬大辟五十一年

聖祖出公虎邱詩示近臣曰有密奏陳鵬年怨望以此作

證宵人伎倆大率如此朕固不為所動也明年

萬壽覃恩宥公辜旋

命為武英殿纂修總裁官五十六年署霸昌道事六十年

命公偕吏部尚書張鵬翮視南北河堤尋

詔公留河工其年秋河決武陟馬營日公請從浚口上流

聖祖曰對岸廣武山下別開引河以殺水勢有

詔如公言冬奉

命署總督河道事公在官慎宣防嚴啟閉飭材料卹徒庸

覈功罪信賞罰明年馬營再浚公請于王家溝再

開引河使水趨東南入滎澤報可未幾奉

詔自工所還清江兼攝漕運總督時運道梗滯旂丁數千
食不給呼號載路公立發帑金六萬賑之奏聞

聖祖曰諒爲大臣當如此矣秋八月再至武陟時決口尙

未塞公爲文禱河神是夕河水驟退八尺再請開

官莊峪引河報可日宿隄上往來風雪中遂得疾

雍正元年正月五日方四鼓命具湯盥沐畢北面

口占遺表天明端坐而逝年六十有一喪自武陟

還過南北塲尾兵民繞棺哭者數萬人表聞下

詔憫悼曰此真鞠躬盡瘁死而後已者也

賜白金二千兩封其母曹氏爲一品夫人子其子一品蔭

諡恪勤江南人祀公名宦以配海忠介焉

二林居集

陳滄州先生守蘇州重遊虎邱詩云雪艇松龕閣

歲時廿年踪跡鳥魚知春風再掃生公石落照仍

銜短簿祠雨後萬松全還匝雲中雙塔半迷離夕

佳亭上憑闌處紅葉空山繞夢思塵鞅刪餘半晌

閒青鞋布襪也看山離宮路出雲霄上法駕春留

紫翠閒代謝已憐金氣盡再來偏笑石頭頑棟花

風後遊人歇一任鷗盟數往還其時總督噶禮以

詩爲誹謗句句旁註而劾奏之摘印下獄

聖祖詔云詩人諷詠各有寄托豈可有意羅織以入人罪

命復其官 隨園詩話

摘句 山色分吳楚江流自古今春風滿天地無

限望鄉心

禁闌似聞憐讜直湖山自合老漁樵

畧記年時春雨後海棠初試小熏籠

惠周惕

字元龍號研溪江南長洲人康熙三十年進士官

密雲縣知縣有研溪詩集

惠氏三世以經者周惕其初始者也 四庫提要

研溪令密雲邑當出關孔道值軍需旁午馬瘠僕

痛卒憂懣以死昔劉須溪謂士方少時志科舉辛

勤過人不知心血之耗及其得也或陸沈州縣或

流落邊塞坐念場屋何心至此今觀研溪之才與

其末路之踳躓追誦前言可為雪涕 國朝名家小傳

研溪家有紅豆書屋子士奇字半農亦以經學著

世稱研溪老紅豆先生半農小紅豆先生 文學錄

摘句 饑寒逼腐儒顛倒作奇想

人生眉眼不自見願以妍醜煩青銅

旅舍一涼來好雨竹牀昨夜夢青山

歲寒惟爾堪相倚忍為豐貂易素心 傲裝

黃叔琳

字崑圃直隸宛平人康熙三十年

賜進士第三人官至吏部侍郎

侍郎年十九登第後庚午辛未諸舉人進士兩詣

其第稱後同年讌會誠

熙朝盛事云 國朝詩別裁

崑圃先生主持風雅人有一技一長必為揄揚無

須識面 隨園詩話

辛未重赴瓊林詩曰天鼓聲喧曉漏餘春風吹雨

酒庭除婆娑老眼看新榜髯鬚青雲接敝廬鶴返
故巢無宿侶花開仙洞見新枝輪軒南國追疇昔
風雨橋山愴夢思先生巡撫浙江追感

兩朝恩遇故詩中及之 同上

標題 觀李晉王畫像歌 七古

摘句 花下迎親依曉署尊前憶弟夢春池

高孝本

字大立號青華浙江嘉興人康熙三十年進士官
績溪縣知縣有固哉叟詩鈔

孝本雖年屆四十始為詩然罷官後放浪山水以

老故其詩灑落有清氣但深厚不足耳四庫提要

摘句 二十八潭水五千餘仞峰華山

峽斷疑無路灘高欲到天萬安

九曲初通三島近萬山遙拜一峯尊武夷

姚士陞

字別峰江南桐城人康熙三十二年舉人有空明

閣集

別峰少隨父宦秦越得朋友江山之助其詩不名

一家而緣景會情曲折善肖同里張文端公偶携

其詩至直廬時澤州陳相國華亭王司農靜海勵

司寇皆擊節稱賞交口呼才子不置國朝名家小傳

摘句 早笑負薪廉吏後重來衣葛故人前

自笑欲歸歸未得也將歸信卜燈花

吳文煒

字山帶廣東南海人康熙三十二年舉人有金茅

山堂集

山帶家藏書甚富朱竹垞遊粵將歸山帶作墨卷

子贈其行並題句云未得便留山屐駐羅浮晴看

紫籠葱論者謂不減徐文長風韻廣東通志

摘句 親在未可死中宵幾淚盈亦知齊物理何

顧圖河

字書宣江南江都人康熙三十三年進士官翰林院編修有雄雉齋集

圖河為江左十五子之一其詩古體多學眉山近

體多學劍南

四庫提要

書宣入史館不數月即乞假歸泉明琴酒謝傳裙

宸陶然自樂十年乃復來京供職

國朝名家小傳

圖河預纂修一統志旋視學湖北未幾卒

文學錄

摘句 保國釋外懼攝生留小疾

百慮輸一忘百巧輸一誠

詩興復不淺梅花何太遲由來孤賞意不

在滿開時

陳 瓚

字文煥號眉川廣東海康人康熙三十三年進士

官至福建巡撫諡清端有清端集

瓚成進士授古田令調臺灣行取授刑部主事遷

本部員外郎又遷郎中四十八年充會試同考官

出任四川提學道福建巡撫張伯行奏請以瓚為

臺灣廈門道瓚以興化易俗為先率之以廉衣御

布素食無兼味五十三年超擢巡撫入見

聖祖目之曰此苦行老僧也至閩疏言臺廈防海必定會哨之期申護送之令取連環之保今合水師哨船書某營某哨於旂上每月會哨一次彼此交旂爲驗若無哨旂交驗卽取其營官職名某月海洋有失事卽取巡哨官職名則會哨之法行矣商船候風順齊放二三十船臺廈兩汛各撥哨船三四護送至澎湖交代各取並無疎虞甘結則護送之法行矣各商船取連環保若遇賊必首尾相救如不救卽以通同行劫論則連環保之法行矣

上是瓊所奏如所請行是年兼攝閩浙總督五十六年卒

於官年六十有三追授禮部尙書

廣東通志

康熙五十四年十二月初五日奉

旨調福建巡撫初六日公跪請

聖訓

上垂詢周詳又問福建有加耗麼公奏臺灣三縣征收錢糧沒有火耗

上云加耗原不好若禁絕了恐州縣官又別生弊端取錢從前各州縣有存留一項銀兩公費尙有出處後議將存留銀兩盡歸戶部州縣費用無所出若將

加耗盡禁分毫不許恐行不去

上云做清官固是好但要替朝廷辦事纔好若止硜硜自守亦有何益初八早蒙傳進 暢春園

上云汝請訓昨日都說過了汝照着行就是做清官固是好但恐清而刻人便不能相安要清而不刻為好

陳清端
公年譜

前明海忠介公直聲清節震耀宇內後百餘年而國朝陳清端公繼之忠介之意必欲事事復古清端則相時度地惟期實政足以利民忠介之清主乎肅清端之清兼平溫清如冰霜足以殺物清如雨

露足以生物故學忠介而不至其弊恐流於刻學

清端而不至或猶不失溫厚之意與聽松廬
文鈔

摘句 交遊傳死別家室憶生離

別緒迷燈影歸心付酒樽

最宐終日長無事埽地焚香讀道書

朱軾

字若瞻號可亭江西高安人康熙三十三年進士官至大學士諡文端有朱文端公集

若瞻忠信好學佩服經訓達于政事康熙末巡撫

浙江以身教儉雍正三年拜文華殿大學士時

世宗銳意圖治綜核名實若瞻在左右因益以知四方疾苦人材賢不肖嘗奉

命視賑山西還奏天下倉儲虛耗請

飭督撫勒所屬買補缺額為荒備乾隆元年八月卒豫草遺疏言國家萬事根本理財用人而已臣查額征所儲于一切經費寬然有餘倘日後有言利之臣倡為加增之說仰祈

聖明乾斷力斥浮言至於用人邪正公私幾微之際最易混淆尚書逆干汝心遜于汝志二語願

皇上時以為念則臣魂魄長逝永無遺憾

測海集

摘句

光風霽月君新領古檜蒼松地舊栽從此洪鐘時一叩不教庭廡翳莓苔

呂履恆

字元素號坦菴河南新安人康熙三十三年進士官至戶部侍郎有夢月巖集

凡例稱其詩或經歲一改或一月數改

四庫提要

少司農詩不落唐以下

國朝詩別裁

摘句 風雅以還兼正變懷襄之際獨憂勞

屈原

雒國稱臣緣底急同盟歸妹却相傾

孫大帝廟

山餘落日千峰紫海瀉遙空一氣青

山海關

國朝詩人徵略卷十七

番禺張維屏子樹輯

高其倬

字章之號芙沼又號種筠漢軍人康熙三十三年進士官至戶部尚書諡文良有味和堂集

康熙五十九年章之以內閣學士出為廣西巡撫鄧橫苗叛章之單騎入寨諭以

朝廷威德衆棄刃羅拜受約束而還

世宗登極遷雲貴總督時用兵西藏章之以中甸為進藏咽喉地請調鶴麗劔川兵鎮之墾田陸涼州積穀

以備運改哀牢土司爲流官苗人蠢動章之遣兵
迎勦大小三十二戰平魯魁茅洞諸寨逆渠次第
就擒雍正三年調浙閩總督時福建饑章之入浙
境卽請撥溫台倉穀七萬石運閩寬臺灣米禁以
濟漳泉閩人大安移興泉道駐廈門設哨船彈壓
苗夷平生番阿密氏之亂八年調兩江總督雲南
普思苗反貴州廣西猺獠多響應九年奉

命總督三省率提督蔡成貴等討平之章之爲入淵深凝
重治事勤與人恕屬吏有才者往往代爲受過累
任盤錯不喜功不釀亂所至人咸懷之測海集

自序謂作詩存稿始於萬柳塘篇有白蘋風細魚
苗長紅杏花深燕子低之句爲友人所賞八旗通志

文良公詩爲勲業所掩不知一代作手直駕新城

而上隨園詩話

高文良公勲業顯著而其詩乃云詩外更無餘事
業酒邊時作小淹畱想其天懷高曠不居成功有

古人敦詩說禮雅歌投壺氣象聽松廬詩話

標題 南天門五古 薊州新城五古 碧雲寺五古

喀喇河屯七古 蟠龍山頂望都城七古

摘句 慈親起送我語好顏色悽愛我不便哭願

我平安歸
從來守邊術能戰守可說更有必勝方千
古同一轍赤子付龔韓白麻命蕭葛
夢回仍遠塞月好是殊方
未霜先見雪每雨卽兼風
宴罷白沈干帳月獵回紅上六街燈
酒狂尙憶同諸子詩瘦無妨自一家
風鐸閒同山魅語鬼燈紅出寺門遊
晴空黑過盤鵬影低草腥畱臥虎痕
蘇碑遺字零星綠戰壘秋陽寂寞紅

長河暫伏潛仍出高嶺遙看到却平
纔穿雲過捫衣潤欲覓詩行任馬遲
朱旗颭地親麾陣蠻甲齊山坐受降
意中故國偏無夢風裏銀河似有聲
天涯日日思歸日覺有歸期日倍長

覺羅滿保

字九如一字鳧山滿洲人康熙三十三年進士官
至閩浙總督有檢心堂稿

滿保總督閩浙朱一貴之亂滿保謂撫臣呂猶龍
曰廈門爲控制全臺咽喉當親往以安人心乃移

駐泉州至廈門申嚴軍令命諸將合攻鹿耳門旬

日而復府治以次討平臺灣遂定大清一統志

摘句 雲連三省近關踞萬山高仙霞關

峽陡人多瘦江清月自閒

雲中山養勢雨後水添聲

經歲誰憐農父老辛勤一半代牛耕

法海

字淵若號陶菴滿洲人康熙三十三年進士官至

兵部尚書有悔翁集

淵若咏鶴詩通體自寫懷抱風骨獨高國朝詩別裁

陶菴尚書句云自謂侍臣趨直早不知深殿已

宵衣國朝

家法之善

莅政之勤實足度越千古比隆三代誦尚書此詩益令人

職思其居不敢懷宴安之念也松心日錄

摘句 片語亦有味不必在盡言

生成雲水性偶與鳳鸞羣詠鶴

久陰天氣憐芳草望月人心愛晚晴

周起渭

字漁塘號桐野貴州貴陽人康熙三十三年進士

官詹事府詹事

聖祖仁皇帝嘗以後進詩人詢澤州陳廷敬廷敬以史申

義周起渭對

提要 四庫

貴州遠無從蒐羅故祇采漁璜前輩

詩別裁 國朝

輦下人文極盛桐野異軍特起拔戟自成一隊江

都史蕉飲贈句云孰與夜郎爭漢大手攜玉尺土

金臺若是乎傾倒之深也

國朝名 家小傳

標題

赤壁登蘇公亭放歌

七古

摘句

何處無北牕臥者少真淳胸中失佳趣几

榻俱埃塵

北窓高 臥圖

花霧陰時迷笛浦柳烟開處見漁村

啼鶯過水仍棲樹乳燕銜泥半帶花

黃利通

字曉夫號梧岡一號懷亭湖北黃梅人康熙三十

三年進士官工部主事有石亭集懷亭集

利通授廣西賀縣知縣會征八排猺人獲猺子房

十一等親解軍門并上平猺策

黃梅 縣志

竊謂平猺大計在兼用鄉兵尤在以猺平猺獲一

猺卽以恩結之用爲嚮道用爲間諜論以順逆禍

福頭目中有舉衆來降者卽畀以爵賞衆猺必自

相攜貳然後攻一排而衆排落膽降一排而衆排
歸心矣平搖之後又在乎以搖治搖莫若建立土
州縣而總制于流官其有粗解文義者卽選補諸
生鄉場另編字號懸功名富貴之途以潛消其鷙
悍難馴之氣不出數年搖人猶吾人也
懷亭文集
不肖一第後出宰賀縣吾父五官未衰攜送河澣
垂示官方觀者稱慶在賀頗聞家耗心動欲歸適
王師征蠻不敢以私請罷兵後上官檄取同考又
不敢以私請闡事竣乃具詳終養又以格於成例
請至數四不允甲申奉文入爲部曹私喜間道歸

里父子重逢詎知撫軍咨部之日卽吾父棄世之
日而河干出祖之地遂爲幽明永訣之地耶同上
道光壬午屏倖捷禮闈蒙

恩以知縣卽用籤掣湖北五月出都擬到楚將部文投
遞卽請歸養乃抵楚數日奉檄入闈九月文闈事
竣又奉檄武闈至武闈事竣具文詳請巡撫楊公
云君辭官歸養吾非必欲強留惟家有次丁與告
養之例不符且現當題補長陽身入仕途不能徑
行已意矣十一月總督李公莅任謂屏宜練習吏
治卽檄署黃梅縣事梅號衝繁春夏間暹羅貢使

過境兩次癸未五月江水大溢堤潰災黎在野者
數萬在城者數千大府奏請

帑賑於是梅邑勘災辦賑之員自方伯而下至巡檢

凡三十餘人自五月至於九月屏艱險備嘗幸免

罪戾而公私逋負欲歸不能迨丙戌冬遽遭吾父

大故終天之恨曷其有極讀懷亭先生告墓文不

禁潛然涕泗之交集也

聽松廬
文鈔

摘句 豈是昌黎能格帝偶然衡嶽一開雲

有酒真須慚父老無詩何以答雲山

政拙難為知己告官貧但取故人憎

自從墮地名為累剛說圖閒夢已虛

今我心還同故我舊人色似勝新人

可惜東林都不省無關社稷只捐生

焦袁熹

字廣期江南華亭人康熙二十五年舉人有此木

軒詩

春秋闕如編焦袁熹撰袁熹是書酌情理之平立

褒貶之準謹持大義而刊削煩苛近代說春秋者

當以此書為最

四庫
提要

摘句 中心壹鬱不能長歌拍肩何限知心不多

羣仙列真遨遊無垠我聞其語未見其人

許遂

字揚雲廣東番禺人康熙三十五年舉人官知縣有真吾閣集

授江南清河力請蠲逋賦凡興作便民者輒為之以事望吏議去職杜門著作名益起會開鴻博科

巡撫楊永斌薦之以格於部議不得與試廣東通志

山月一律選本多同余別蒐其佳句錄之聽松廬詩話

摘句 潮長全低樹帆高欲過山

孤磬入雲雙洞響百花臨水一溪香

多情垓下辭虞女大度鴻門釋沛公弔項王
忍見柳條相贈處故鄉人別異鄉天

嚴虞惇

字寶成號思菴江南常熟人康熙三十六年

賜進士第二人官太僕少卿有嚴太僕集

讀詩質疑嚴虞惇撰大旨以小序為宗而參以集

傳亦有虞惇自為說者四庫提要

摘句 正是空江明月夜相逢尊酒落花時

姜宸英

字西溟號湛園浙江慈谿人康熙三十六年

賜進士第三人官翰林院編修有湛園集

其文閱肆雅健往往有北宋人意 四庫提要

姜宸英以詩古文馳譽江表用薦入史館食七品

俸未授官年七十始捷南宮殿試進呈名稱殿

上問十卷中有浙人姜宸英乎大臣有識其字蹟者謂第

八卷當是

上云宸英績學能文至老猶篤可拔置一甲為天下讀書

人勸遂以第三人及第先生嘗謂我輩人人有集

然詩傳與否未可知惟當連綴姓名於集中幸有

傳者即附載之人亦因以顯 國朝名家小傳

讀書不須務多但嚴立課程勿使作輟則日累月積所蓄自富古人讀一書必思得此一書之用至於終身守之不失如此雖欲多不得也 湛園未定稿

標題 觀洗象 七古

摘句 鳥隨碧天盡水將銀漢通

千里江東羞不渡六朝曾此作金湯 鳥江

汪士鋐

字文升號退谷江南吳縣人康熙三十六年會試

第一官右春坊中允有秋泉居士集

退谷中年後書益沈著詩未多見 松軒隨筆

摘句 大兒讀書如養苗勿忘勿助不敢握小兒

讀書心孔開惟恐鹵莽與滅裂主人有田

復有兒書味酒香滿一室呼童留客唱田

歌田家之樂樂如何

陳 萇

字玉文號雪川江南吳江人康熙三十六年進士

官桐廬知縣有雪川集

潘稼堂云玉文嗜古學其人其詩與江水同清庶

可拜嚴祠而無愧矣

江蘇詩徵

標題 臨終詩一首

五古

摘句 秋從黃葉聲中老人向青山缺處行

春風隴上新寒食夜雨堂前舊鏡臺

悼亡

自愧不如閒草木年荒猶得療人飢

宋聚業

字嘉升江南長洲人康熙三十六年進士官吏部

郎中有南園藁

南園以剛直觸忤年制軍其人足重可知

江蘇詩徵

摘句 夢隨天共遠人與序俱分

秋分

真人白水生文叔名士青山卧武侯

南陽

陳至言

字青崖號山堂浙江蕭山人康熙三十六年進士
官翰林院編修有青苑堂集

毛奇齡稱其能守古人三義八法之意而不變今

觀所作音繁節壯頗似西河集中語四庫提要

摘句 萬壑收江雨千花護佛燈

千金生季布一諾死臧洪

沙苑馬肥青苜蓿涼州人醉綠葡萄

殘雨白遮雲外樹落霞紅帶晚來潮

冷垂串串玲瓏雪香送絲絲麗殿風白丁香花

國朝詩人徵略卷十七

國朝詩人徵略卷十八

番禺張維屏子樹輯

鄂爾泰

字毅菴滿洲人康熙三十八年舉人官至大學士

諡文端有西林遺藁

毅菴性明決威重勇于任事知人善任使雍正初

授雲南巡撫先是雲南貴州廣西三省羣苗屢煽

動毅菴奏欲保百年無事非改土歸流不可欲改

土歸流非大用兵不可奏上

世宗大悅鑄三省總督印授之毅菴奏遣張廣泗等先後

進剿累奏捷歲庚戌造橋雲貴之交號庚戌橋開
通滇黔路八百餘里封襄勤伯授武英殿大學士
毅菴督三省時扶植善類及爲相益自任進賢退
不肖士有學行者多以禮進之乾隆十年薨配享

太廟測海集

公刻南邦黎獻集沈歸愚與其選後此本進呈

御覽沈之受知從此始也隨園詩話

摘句 曠達不敢出激烈非所安

百年元是客萬里獨登臺

手理亂絲須用緩方醫惡疾不妨奇

四千四百有奇卷二十二人同此心闡中述懷
除却詩篇何所癖獨於山水不能廉
從知三萬六千日半是東西南北人
垂老餘功惟補過多生結習贖憐才

張遠

字超然福建侯官人康熙三十八年鄉試第一官
祿豐知縣有無悶堂集

詩近元白長慶體在晉安詩派中爲別調四庫提要

遠避逆藩亂僑寓常熟閒至西江題詩滕王閣侍
郎曹溶持節過而嗟賞所至爲延譽詩名遂振遠

嘗言閩越自林子羽以平澹之詩鳴巖滄浪高廷
禮先後唱為盛中晚之說習以成風後之作者襲
其膚淺浮泛之詞如出一律自束其性情以步趨
唐人之餘響其不振也宜哉故其詩遙情逸氣頓
挫瀏漓獨能拔出閩派之外東越文苑傳
摘句 前舟歟然沒初見各驚詫須臾出白浪迴
旋去如射生命寄柁師與石爭一罅建溪諸灘
一年一萬一千里馬足車輪解艤舟自笑
此身渾似葉不知於世復何求

梁澤

字珩白一字采山廣東順德人康熙三十八年舉
人官海鹽知縣

一時名碩多出其門如陸公奎勳杭公世駿桑公
調元其最著者乾隆己卯重燕鹿鳴其配尚朱顏
紺髮環列孫曾殆文人之饒於福命者也嶺海詩鈔
摘句 奸雄未解尊王室堯舜何曾築禪臺鄴中

劉信烈

字直庵廣東香山人康熙三十八年舉人官知縣
直庵五十餘尚無子奉檄運糧軍前邊塞風沙中
能作壯語足稱健者聽松廬詩話

摘句 紫塞東南通鞞鞬黑山西北走居延

吾道信能行異域 盛朝原不廢邊防花胡

都克道中

汪 繹

字玉輪號東山江南常熟人康熙三十九年

賜進士第一人官翰林院脩撰有秋影樓詩

殿撰於臚唱日馬上得句云歸計未謀千畝竹浮

生只辦十年官癸未假歸未十年卒國朝詩別裁

本朝補殿試得一甲一名者未之聞汪東山其一也

槐廳載筆

古事多荒幻不足信然直說破轉無味余愛李義

山詩云八駿日行三萬里穆王何事不重來又汪

東山詩云神仙不作兒孫計一任張巡慟哭來如

此論古乃覺婉而多風聽松廬詩話

摘句 秋風鱸膾江南味春雨梅花處士魂

桃源自是人間世却遣童男問海山

滿眼兒孫滿簷日飯香時節午雞啼

張廷玉

字衡臣號硯齋江南桐城人康熙三十九年進士

官至大學士諡文和有澄懷園集

康熙丙戌分校春闈有同事以微詞探余余知其
意因作闈中對月絕句有云簾前月色明如晝莫
作人間暮夜看其人覽之慚而退

澄懷
園語

廷玉在直廬辦事

帝命內侍傳

諭曰爾子張若靄取中探花矣特告大學士知之廷玉聞
旨免冠叩首懇辭數四內侍傳奏未蒙俞允廷玉奏請面

見仍免冠叩首奏曰臣家世受

皇恩無所不極其至臣子若靄又占科名最高之選臣實
夢寐難安願讓與天下寒士

憲皇帝憐其愚忱乃命改爲二甲第一名

澄懷園
文存

憲廟賜廷玉春聯曰天恩春浩蕩文治日光華

茶餘
客話

雍正癸卯四月

特恩開科張文和以禮部尙書主試是年九月會試又奉
命爲正考官有恭紀詩云兩番鎖院秋兼夏一室掄才弟

與兄公弟廷璐亦與分校鎖闈佳話也

聽松廬
詩話

摘句 寄語功名人進取休太疾早榮亦早枯易

得還易失

陸魯望張志和朝朝詩思在烟波吾曹不

解工吟咏醉唱義皇網罟歌

陸師

字麟度浙江歸安人康熙三十九年進士官宛寧道有玉屏山樵集

師補江南儀徵多惠政二年以課最行取湖州府志

清乃居官分內事清而不勤其弊有不可勝言者

矣陸麟度詩云黃昏縱謝四知金白日虛糜五斗

粟此語足為廉吏而素餐者做也聽松廬詩話

摘句 親亡焉用祿涕泗誓諸墓此意愧未堅又

被微名誤

無端一物交倏爾兩念起因雨遂生萬紛

紘不可紀

問渠何法牛馴擾鞭撻無驚芻牧多

許迎年

字毅士一字荔生江南江都人康熙三十九年進

士官中書有槐墅詩鈔

配徐淑則互相酬唱藝林比之秦嘉夫婦國朝詩別裁

摘句 花殘幽砌堆紅雪鶯坐垂楊破綠煙

春掩重門人寂寂落花和雨下池塘

楊守知

字次也號致軒浙江海寧人康熙三十九年進士

國朝詩人傳卷十八
官平涼知府有致軒集

致軒為雍建孫與沈樹本陸奎勳柯煜齊名松軒隨筆

鮓答似石非石禱雨立應番人云龍精遺草樹間

牛馬食之則孕此致軒有詩甚詳聽松廬詩話

摘句 射虎何曾侯李廣牧羝幾欲老蘇卿

早知靈運難成佛誰信曾參不殺人

不計輸贏粗了局略知甘苦莫言醫

別路與誰同悵望春光無汝不風流詠柳

徐昂發

字大臨江南長洲人康熙三十九年進士官翰林

院編修有畏壘山人詩集

畏壘筆記徐昂發撰皆採掇舊聞斷以己意正舛

訂譌頗資聞見四庫提要

畏壘五言古從杜陵出近體得力樊南國朝詩別裁

先生宮詞百首遍播旗亭酒社間既登上第膺華

選章貢甌越之區兩操文柄國朝名家小傳

標題 雁門關古五 彭蠡湖古五 漱玉亭古五

摘句 一身與雲輕迥出天地外

刀圍玉帳觴公瑾花簇珠屏舞大喬吳桓王

草木尚生無患子男兒那作可憐蟲

查嗣琛

字德尹號查浦浙江海寧人康熙三十九年進士
官侍講有查浦詩鈔

查浦與兄初白酬倡斐然可觀俱成進士同館十
年歸里未幾而家難作闔門三十口悉付詔獄賴
天子仁聖竟從寬典查浦長流陝右

國朝名家小傳

摘句 身逢明主猶嗟命天奪中年亦忌才

賈太傅祠

七分花贖三分葦正是梅開最好時

徐永宣

字學人江南武進人康熙三十九年進士有茶坪

詩稿

茶坪天爵自貴不就選人詩得力於東坡

國朝詩別裁

茶坪成進士策名已及而意不欲出曰吾姑歸里

讀書更十年而後仕未晚嗟夫世人皆以進士為

讀書之終茶坪獨以進士為讀書之始其志尙居

何等也

國朝名家小傳

摘句 船泊菰花全白處酒沽楓葉半紅中

鄉曲公憐楊狗監天涯吾悼李龜年

已分孤臣傷骨鯁可禁衆女嫉蛾眉憐才

只有宣仁語千載追尋五夜悲

祀東坡先生

學道著書無箇事滿庭黃葉對秋山訪竹

蔡 望

字鉉升號甘泉江南江寧人康熙三十九年進士
官知縣有香草堂集

望年十三作明妃曲句云一出玉門烽火息秋風

何事怨琵琶為杜于皇所賞江蘇詩徵

望為祖庚子家有懶園名流多觴詠其中松軒隨筆

摘句 悲銜白帝生睽隔恨切蒼梧死別離環珮

不歸清夜杳月明無主照荒祠螺磯孫夫人廟

陳沂震

字起雷號狷亭江南吳江人康熙三十九年進士
官給事中有微塵傲帝二集

狷亭先生自幼至老左圖右史性好山水作令川

南視學山左所至莫不登臨憑弔生平力闢二氏

不為所惑江蘇詩徵

詠雲詩如王荆公句云誰似浮雲知進退纔成霖

雨便歸山美之也又宋人句云無限旱苗枯欲盡

悠悠閒處作奇峰責之也汪東山句云閒雲莫戀

山頭住四海蒼生正望恩勉之也陳狷亭句云却

怪紛紛頻出岫不會行雨竟空還諷之也用意不

同各有其妙聽松廬詩話

摘句 高峰猿嘯重雲裏絕壑舟行亂石中

黃任

字莘田福建永福人康熙四十一年舉人官四會知縣有香草齋集

其詩源出溫李往往刻露清新別深懷抱四庫提要

莘田七絕秀韻獨出兼饒逸氣莘田豐髯秀目工

書好客談嘲談笑一座盡傾罷官歸壓裝惟端石

數枚詩束兩牛腰而已有硯癖自號十硯先生侍

兒金櫻明豔絕世妙解文翰兼工絲竹榕城詩話

莘田豔體尤擅場細膩溫柔感均頑豔國朝名家小傳

任與同郡內閣學士謝道承順天府丞余甸周紹

龍奉天府丞陳治滋御史吳文煥南安知府游紹

安行人劉敬與同知郭起元通判林正青舉人郭

雍等數唱和年八十餘卒東越文苑傳

陳句山先生云余書因謝以變余詩因黃以力朋

友之益也黃謂莘田先生松軒隨筆

余舊題莘田先生香草齋集一律云香草風騷本

正聲當年壇坫想榕城一官澹似雲無迹七字溫

如玉有情集中詩七言尤工清福况能兼豔福後生何敢

望先生

昔伊墨卿太守以夏承碑見贈并跋云此香草齋中物南山為粵之莘田故以贈之

秋江秋水同傷逝

秋江莘田先生集名獨撫牙琴秋水墨卿太守園名

感歎并

聽松廬詩話

莘田先生絕句余愛誦之偶錄數首于此珍重遊

人人畫圖樓臺繡錯與茵鋪宋家萬里中原土博

得錢唐十頃湖珠襦玉匣出昭陵杜宇斜陽不

可聽千樹桃花萬條柳六橋無地種冬青西湖雜詩

百折紅闌不見人小池風皺綠鱗鱗夕陽大是無

情物又送牆東一日春橋花和露落青苔鏡檻

無風暗自開涼月不知人已散殷勤猶下畫簾來

春思

行人莫折柳青青看取楊花可暫停到底

不知離別苦後身還去作浮萍楊花常參班裏

說歸休都作寒暄好話頭恰似朱門歌舞地屏風

偏畫白蘋洲戲示僚友又與殘編續舊情呓語深夜

一燈明侍兒竊指乃翁笑四五年來無此聲雜詩

不須惆悵惜芳叢把酒看花與未空看到秋江

顏色好芙蓉原不要東風對花舊時節序舊亭

臺散盡歡娛獨自哀我亦譬如騎竹日所思人本

不會來所思老人情性多傷感到處歡場總不

宜賓客漸稀兒女密汝來知有桃花詩東蘭女此先生次

女佩紉工詩陳句山太僕愛其詠梅句風定日斜
霜滿地西廡人靜一聲鐘謂謝女柳花詩不過是

香臺鏡檻三千牘帽影鞭絲四十年無可思量

無可說東風吹夢夕陽天偶作其已見榕城詩話

者茲不具錄聽松廬詩話

標題 般若臺篆字歌古七 拜石齋先生墓下古五

築基古五 賑粥古五 棄婦辭古七

摘句 當恐瘦形骸高堂夢裏看知我未歸去老

淚不肯乾器業無成就強慰其實難明發

不得寐結愴摧心肝

露螢不自夜風樹欲先秋

先世只知安誦讀後人何必問田廬

行義艱難居下位別情哀樂感中年

不去自知無補益初來便信有泥塗

美人環佩惟蘭杜公子衣裳在芟荷

腸成寸寸迴文錦淚是星星記事珠

亞字疎簾丁字檻十分明月五分春

叩戶每來難記客他邦偏住所思人

老似嬰兒妨飲食貧如禁體作文章

林泉有福終能老文獻無徵要此身

消息早曾吾輩覺盛衰偏在故人多

忽逢異地多聞客如讀生平未見書

周大樽

字冷泉廣東南海人康熙四十一年舉人有乳峰堂集

大樽孤雲野鶴隨心去畱人莫測也

粵東詩海

摘句 物性各有短所短亦未非貧女不得嫁自

然寡容輝

蘭若生幽谷本不希朝陽偶與採擇違悠然舍其芳美人恐遲暮君子非所傷

葉適

字西邨廣東歸善人康熙四十一年舉人官教諭有西邨集

西邨為明少保龍塘公裔孫文章行誼卓然不羣

詩游心於石湖劍南之間

國朝詩精華

摘句 巖倚枯藤雲共臥石攤殘卷鶴同看

酒曾罵坐狂多悔詩欲驚人癖未除

每乘月色連宵出特為梅花破曉行

雞聲亂柝收鄉夢樹色初陽入馬鞭

汪後來

字白岬號鹿岡廣東番禺人康熙四十一年武舉

人官千總有鹿岡集

後來性高介晚年倡詩社汾江遠近名士多仰為

職志尤擅於畫著有杜詩矩

廣東通志

陳狷亭淫祀歎有云試復計所費天抵終年糧轟

然鼓吹作巫語聲琅琅汪白岍末居士詩有云覲


巫多巧借魑魅輒依伴拜跪苦擠挨魚羞競鮮粢

信巫佞鬼習俗多同糜費無益可歎也

聽松廬詩話

摘句 怒蛟爭砥石孤塔浸寒雲

夜半詩成攜稿入營門驚道羽書來



國朝詩人徵略卷十八

天味中宋

